

即太陽日君首至當節合巡宿中此日太陰月君亦至其日則二十四炁治山二十四炁君各攢集世人善惡災福壽祿生死等事上於所屬之嶽本嶽司命又復騰奏于當節陰陽二君所巡宿中立春節按虛宿湧泉治陰官左監神炁君奏事雨水節按危宿北平治陰官右監神炁君奏事驚蟄節按室壁二宿稠稷治陰官左監泰炁君奏事春分節按奎宿主簿治陰官右功炁君奏事清明節按巽宿蒙泰治陰官左領功炁君奏事穀雨節按胃宿平蓋治陰官右領功炁君奏事立夏節按昴宿雲臺治陰官左監功炁君奏事芒種節按瀘口治陰官右監功炁君奏事夏至節按甯參二宿公慕治陰官右都炁君奏事夏至節按井宿玉局治陰官左察炁君奏事小暑節按鬼宿平岡治陰官左功炁君奏事大暑節按柳宿北切治陰官右察炁君奏事立秋節按星宿葛瓊治陰官右領炁君奏事處暑節按張宿後城治陰官左都

炁君奏事白露節按巽宿本竹治陰官右監察炁君奏事秋分節按軫宿秦中治陰官左領神炁君奏事寒露節按角亢二宿陽平治陰官左平炁君奏事霜降節按氏宿鸛鳴治陰官左長炁君奏事立冬節按房宿滿沅治陰官右長炁君奏事小雪節按心尾二宿庚除治陰官右都領炁君奏事大雪節按箕宿隸上治陰官左都監炁君奏事冬至節按斗宿真多治陰官右領神炁君奏事小寒節按牛宿昌利治陰官左都監炁君奏事大寒節按女宿鹿堂治陰官右平炁君奏事然則日月可久規乎

贊曰
古者人君 朝日夕月 出納賓錢
職掌無越 竹宮望拜 漢祀猶設
典禮寢廢 寅恭或闕 睽視奚為
燭火自滅

太上感應篇卷之二十八

太上感應篇卷之二十九 選六
李 昌齡傳 鄭清之 贊
春月燎獵
傳曰程嗣昌平生戒殺未嘗輒事烹宰因在容州見數輩獵徒打捕鳥雀或碎首穴曾於鷹鷂爪嘴之下或拗脚折翅於罝罟網罟之中是夕即露香告天曰輒欲將家藏一切所食衆生並同七世父母因緣戒殺圖子覆板印行庶幾此邦或知改過既而印行攔頭有彭景者亦請一本其妻華氏一見即大怒奪取撻破棄之穢處明日買得一魚操刀欲繪魚忽跳躍觸破其眼血流滿地須臾皆化為蟲緣遠其身方喧傳聞監鎮向執悅見真武真君曰吾察知此地有一上善乃興化軍客程嗣昌印施戒殺圖子不謂婦人華氏乃敢撻破罪惡深重自不容逃其餘不改之人亦當獲罪俟吾二十七日再降更看如何然則燎獵是可為乎惜人不知一切衆生皆有佛性導之以義亦無不曉昔韋南康鎮蜀時

有一鸚鵡甚慧馴養者曉以佛理曰若欲念佛當由有念以至無念即仰首奮翼若聽若承及使念佛則默然不答或詰其不念則唱言阿彌陀佛一聲意若有悟以有念為緣生以無念為真際也一日不震不

仆飲翼委足拚然而絕焚之有舍利十公為立塔瘞之號曰鸚鵡塔執謂無佛性乎衛敬瑜妻李氏年二十而寡父母欲嫁皆志不許所居有雙燕一日忽孤飛李氏感之謂曰能如我乎因以縷誌其足明年復來孤飛如故李作詩曰昔年無偶去今春猶獨歸故人情既重不忍復雙飛又明年復來則李氏已死或告之已死及葬處即徑往墓側悲鳴不食而死人因瘞之號曰鸞塚執謂不高義乎太上戒人燎獵而以春月為言者蓋春月乃萬物發生之際若縱燎獵獵之傷殺尚猶有數一火之過是有數乎月令一書亦自言之其可不戒

贊曰

周典夏苗 擇取不孚 則知春蒐

禁禽尤新 意在訓兵 非殺之徇
鳥獸尊尾 生理方順 焚林而獵
仁者莫忍
對北惡罵

傳曰薄拘羅尊者未證果時嘗罵人喫飯遲為牛銷草至為羅漢尚不見有牛飼之報善住天子作維那時嘗罵客僧為眼瞎漢及作天子受天福盡亦不免有眼瞎之報執謂惡罵為無害乎況對北乎北者至尊所居有北辰焉辰有五星第一星即天皇大帝第五星即北極大帝斗有九星第七星破軍號曰天之上帝玄陽天關搖光太明太上玉皇道君其為尊也餘皆可知按本生經元始上帝曰若有信心男女於上春日一心齋戒肅爾神明設九光照迎請紫光聖母并七元君虔恭奉獻縱有十惡重罪冤家苦報如九日輪照於冰山應時消釋福壽增延無量天真俱來擁衛見世圓滿子孫昌盛所有福德如彼甘泉隨汲隨發受用無量命終之後超生大梵真

天然則對北可惡罵乎不聞劉俊本令祭而果家有罪虔妻為父構祈而果獲延年乎又不聞李答奉事而有子衛公為唐功臣武侯有女効彭女奉事而亦獲上昇乎此皆載於教典其事甚眾姑摘一二以示世云

贊曰

人之北面 尊歸我后 天之北極
曰辰與斗 俯仰之際 宜無所苟
一朝對楫 管寧追谷 居如不容

矧敢勝口

無故殺龜打蛇
傳曰應世真人曰一切翔飛蠢動皆不可殺若夫龜蛇二物尤不可殺若輒殺之或至殺有靈者其陰精定當害人是以識者常切敬護昔劉彥向其父為湖州刺史僚屬從銀坑回有以一大龜為獻者曰得此龜者壽當千歲其父即日復自送于坑所父歿彥回為房州司士忽山水暴至平地數尺一家驚恐未有所之俄有大龜似欲

引路從窺而行歷十餘地皆得淺處遂脫水難是夕復夢大龜曰昔在錄坑嘗蒙先使君救脫之惠今故奉報孫真人在世時嘗因山行道見村民擊一青蛇公力救之月餘再過其地遙見一少年馳騎而至迎公以歸既至乃一王居有一婦服者出謝曰昨日小兒癡騃幾乎遇害幸先生救之此間血屬甚多無不感激故遣長兒迎致略摠謝悃既而引入深宮復有一妃携一青衣小兒出拜致謝再三延留凡三日珍饈美饌綵繡珠玉無不有之先生皆卻不受惟受上帝所頒龍宮三十仙方以歸今千金方蓋有得於三十方者也然則殺龜打蛇是可為乎

贊曰

龜預四靈 蛇先百毒 豫且之網 不免於執 白帝之精 當道而泣 豈期無知 愚或偶及 苟遇識者 宜拯其患 如是等罪司命隨其輕重奉其紀算算盡則

死死有餘責乃殃及子孫

傳曰如是等罪上文各已隨事演注茲不復論請以七趣受生因果言之庶幾各知七趣輪回不得真淨皆一虛妄殺盜淫習尚隨順爾經云一切世間生死相續生從順習死從變流臨命終時未捨暖觸一生善惡俱時頓現死逆生順二習相交純想即飛必生天上若飛心中兼福兼慧及與淨願自然心開見十方佛一切淨土隨願往生情以多想多輕舉非速即為飛仙大力鬼王飛行夜叉地行羅刹遊於四天所去無礙其中若有善願善心護持我法或護禁戒隨持戒人或護神呪隨持呪者或護禪定保綏法忍是等親往如來坐下情想均等不飛不墜生於人間想明斯聰情幽斯純情多想必流入橫生重為毛群輕為羽族七情三想沉下水輪生於火際受氣猛火身為餓鬼常被焚燒水能害已無食無飲經百千劫九情一想下洞火輪身入風火二交過地輕生有間重生無間二種

地獄純情即沉入阿鼻獄若使心中有謬大乘毀佛禁戒誑妄說法虛貪信施濫膺恭敬五逆十惡更生十方阿鼻地獄循造惡業雖則自招眾同分中兼有元地如是地獄餓鬼畜生人及神仙天洎修羅精研

七趣皆是昏沉諸有為相妄想受生妄想隨業於妙圓明無作本心皆如空華元無所有但一虛妄更無根緒此等眾生不識本心受此輪回經無量劫不得真淨皆由隨順殺盜婬故何名七趣一者天趣經云諸世間人不求常住未能捨諸妻妾恩愛於邪婬中心不流逸澄瑩生明命終之後鄰於日月如是一類名四天王天於已妻房姪愛微薄於淨居時不得全味命終之後超日月明居人間頂如是一類名忉利天遙欲暫交去無思憶於人間世動少靜多命終之後於虛空中朗然安住日月光明上照不及是諸人等自有光明如是一類名須臾摩天一切時靜有應觸未未能連度命終之後上昇精微不接下界諸人

天境如是一類名堯率陀天我無欲心應汝行事於橫陳時味如嚼蠟命終之後生越化地如是一類名樂變化天無世間心同世行事於行事交了然超越命終之後通能出超化無化境如是二類名他化自

在天如是六天形雖出動心速尚交自此已還名為欲界乃至色界一十八天無色界四天是諸天人按如佛說皆是不了妙覺明心積妄發生妄有三界中間妄隨七趣沉溺補特伽羅各從其類二者仙趣經云復有不依正覺修三摩地別修妄念存想圓形遊於山林人見處有十仙種堅固服餌而不休息食道圓成名地行仙堅固草木而不休息藥道圓成名飛行仙堅固金石而不休息化道圓成名遊行仙堅固動止而不休息氣精圓成名空行仙堅固津液而不休息潤德圓成名天行仙堅固精色而不休息吸粹圓成名通行仙堅固呪禁而不休息術法圓成名道行仙堅固思念而不休息思憶圓成名照行仙堅

固交違而不休息感應圓成名精行仙堅固變化而不休息覺悟圓成名絕行仙是等皆於人中鍊心不修正覺別得生理壽千萬歲休止深山或大海島絕於人境斯亦輪回妄想流轉不修三昧報盡還來散

入諸趣三者阿脩羅趣經云是三界中復有四種阿脩羅類若於鬼道以護法力成通入空此阿脩羅從卵而生鬼趣所攝若於天中降德貶墜其所卜居降於日月此阿脩羅從胎而出人趣所攝有脩羅王執持世界力洞無畏能與梵王及天帝釋四天爭權此阿脩羅因變化有天趣所攝別有一分下劣脩羅生大海心沉水穴口且遊虛空暮歸水宿此阿脩羅因濕氣有畜生趣攝四者人趣經云為人豪貴或為國王或為長者從禮事三寶中來為人端正顏色潔白姿容第一從忍辱中來為人精進無有懈怠樂為福德從精進中來為人安詳言行審諦從禪定中來為人才明了達深法講說妙義開悟愚蒙聞其言者信

為珍寶從智慧中來音聲清徹從歌詠三寶中來為人潔淨無有疾病從慈心中來為人多怖音聲嘶破從地獄中來為人暗鈍懈怠多食語不明了又復怯弱樂友癡人偏喜黑暗從畜生中來為人不潔從豬

中來為人兇惡從蝮蛇中來無庶幾心從狗中來狼戾自用從羊中來好美飲食恣殺物命無有慈心從豺狼狸鷹中來不能安詳及不忍事從獼猴中來又云為人脩長恭敬人故為人短小輕慢人故為人醜陋好瞋恚故生無所知不學問故為人頑愚不教人故短命多病好殺生故無有資生常苦貧困好偷盜故無有子息亂人妻故子女淫亂亂人室女故寡孤獨虐遇子女故為人饑餓好獨食故為人奴婢負債不償不禮三尊故為人醜惡遮佛燈故生水牛中為官酷虐刻剝小民故生麀鹿中驚怖人故生諸龍中好調喜故身生惡瘡療治不効鞭撻人故人見歡喜對人懼喜故人見不喜對人不喜故長官囚繫粗

械在身籠閉眾生故為人吻缺好釣魚故
生裸形國輕衣唐突佛精舍故生馬蹄國
者履踐佛地故生穿胸國布施作福生悔
心故又云彼曩倫者酬足復形生人道中
忝合頑類谷微忝於愚類狐倫忝於庸類
毒倫忝於狼類細倫忝於微類食倫忝於
柔類服倫忝於勞類應倫忝於文類休微
忝於明類循倫忝於達類是等皆以宿債
畢酬復形人道皆無始來業計顛倒相生
相殺不遇如來不聞正法於塵勞中法爾
輪轉此輩名為可憐憫者五者地獄經云
此等眾生自業所感造十習因受六交報
云何十因一者姪習二者貪習三者慢習
四者瞋習五者詐習六者誑習七者怨習
八者見習九者枉習十者訟習云何六報
一切眾生六識造業所招惡報從六根出
一者見報招引業果此見業交臨命終時
先見猛火滿十方界亡者神識飛墜乘煙
入無間獄二者聞報招引業果此聞業交
臨命終時先見波濤波滿天地亡者神識

降注乘流入無間獄三者嗅報招引惡果
此嗅業交則臨終時先見毒悉充塞遠近
亡者神識從地踊出入無間獄四者味報
招引惡果此味業交則臨終時先見鐵網
猛焰燄周覆世界亡者神識下透挂網
倒懸其頭入無間獄五者觸報招引惡果
此觸業交則臨終時先見大山四面來合
無復出路亡者神識見大鐵城火蛇火狗
虎狼獅子牛頭獄卒馬頭羅刹手執鎗稍
驅入城門向無間獄六者思報招引惡果
此思業交則臨終時先見惡風吹壞國土
亡者神識被吹上空旋落乘風墮無間獄
於此六報一一報中又各發明二種惡相
此即名為地獄十因六果大抵皆是眾生
迷妄所造若諸眾生惡業圓造入阿鼻獄
受無量苦經無量劫六根各造及彼所作
兼境兼根則入八無間獄身口意三作殺
盜淫則入十八地獄三業不兼中間或為
一殺一盜則入三十六地獄見見一根單
犯一業則入一百八地獄由是眾生別作

別造於世界中入同分地妄想發生非本
來有六者餓鬼經云是諸眾生非破律儀
犯菩薩戒毀佛涅槃諸餘雜業歷劫燒然
後還罪畢受諸鬼形若於本因食物為罪
是人罪畢遇物成形名為恠鬼貪色為罪
遇風成形名為魃鬼貪氣為罪遇畜成形
名為魍鬼貪恨為罪遇虫成形名為蠱毒鬼
貪德為罪遇衰成形名為癘鬼貪傲為罪
遇忤成形名為餓鬼貪肉為罪遇幽成形
名為魘鬼貪明為罪遇精為形名為魘鬼
鬼貪成爲罪遇明為形名役使鬼貪靈為
罪遇人成形名傳送鬼是人皆以純情墜
落業火燒乾上出爲鬼餓鬼一趣尤為至
苦以諸貪故雖有所思終無所得以諸嫉
故見人飽滿已常飢之以毒害故身自出
火還自焚燒以驕慢故福力至微一切小
鬼已皆不勝昔佛在維耶離國展出有八
萬四千餓鬼哀告曰我等先身雖嘗見佛
不知有佛雖嘗聞法不知有法雖嘗見僧
不知有僧我不作福轉教他人亦不作福

見人作福言常笑之見人作罪意常歡喜以種行至惡墮此趣中已七萬歲每見小水奔復不見若見大水即為鬼神羅刹護雖值大雨身亦如處熱沙幸望哀救佛因教令持水奉佛及僧遂得免苦阿難在迦毗羅城見一餓鬼自稱面然告阿難言汝後三日決定命終隨我等趣阿難告曰當作何計可以免此面然曰無非施我等食令得飽是因得出離則汝亦得脫免阿難投佛佛言汝欲施食當先施一淨器置食其中誦我陀羅尼呪七遍出於戶外彈指七下施諸鬼神彼得出離則汝亦得脫免兼得延年即說呪曰那摩薩縛怛他羯多縛路枳帝唵三跋羅三跋羅吽阿難信受奉行果得脫免七者畜趣經云鬼業既盡則情與想二俱成空方於世間與元負人怨對相值身為畜主酬其宿債物恠之鬼物銷報盡生於世間多為梟類風魃之鬼風銷報盡多為蚊微一切異類畜鬼之鬼畜死報盡多為狐類蟲蠱之鬼蠱滅報

盡多為毒類衰穢之鬼衰窮報盡多為蛆類受炁之鬼氣銷報盡多為食類綿幽之鬼幽銷報盡多為服類和精之鬼和銷報盡多為應類明靈之鬼明滅報盡多為休微一切諸類依人之鬼人亡報盡多為猶類是等皆以業火乾枯酬其宿債傍為畜生亦皆自虛妄業之所招引若悟菩提則是妄緣本無所有又云從是畜生酬債先償若彼酬者分越所酬此等衆生還復為人反徵其剩如彼有力兼有福德則於人中不捨人身酬還彼力若無福者還為畜生償彼餘直當知用錢物或沒其力償足自停如於中間殺彼身命或食其肉如是乃至經微塵劫相食相誅猶如轉輪互為高下無有休息不聞梵調以貢高好罵而死受狗身李六郎以放債倍利而亦身死為狗乎

贊曰

不善所積 降殃有餘 積既由漸
餘亦難除 藥厲伏虐 族黨畢誅

秦終苛酷 子嬰素車 施報對立
效驗匪虛

太上感應篇卷之二十九

七